

第六五一冊

理學彙編

字學典

書家部

(卷)
101—116

古今圖書集成

中華書局影印

古今圖書集成
目錄

古今圖書集成

中華書局影印

欽定古今圖書集成理學彙編字學典

第一百二卷目錄

書家部法書名家列傳八

唐三

顏真卿

顏旭卿

顏頤

顏頤

顏防

徐浩

徐峴

李揆

蕭昕

楊播

張彪

陸羽

鄭嵎

彭朝義

李華

李潤

姚南仲

李舟

李庚

崔倬

趙僊

張芬

喬龜年

顏允南

顏曜卿

顏頤

顏頤

鄔彤

徐璿

李造

李佖

令狐彰

元載

任華

張志和

史俊

衛秀

李莒

李儉

張參

段季展

崔溉

劉孺之

瞿令問

冷朝陽

張瑑

韓秀卿

韓秀榮

蕭森

李泌

韓秀實

韋諷

戴千齡

字學典第一百二卷

書家部法書名家列傳八

唐三

顏真卿

按唐書本傳顏真卿字清臣少孤博學工辭章開元中舉進士擢制科爲平原太守遷刑部尚書更封魯郡公贈司徒諡文忠真卿立朝正色剛而有禮天下不以姓名稱而獨曰魯公善正草書筆力遒婉世寶傳之

按舊唐書李華傳華嘗爲魯山令元德秀墓碑顏真卿書李陽冰篆額後人爭模寫之號爲四絕碑按顏魯公集乾元二年顏真卿乞御書表云臣真卿述天下放生池碑銘一章又於當州採石兼力拙自書遂絹寫一本附史元琮奉進兼乞御書題額緣前書點畫稍細恐不堪經久臣今謹據石壁窠大書一本隨表奏進按因亮顏魯公行狀公貧乏紙筆以黃土墁牆習學書字攻楷書絕妙

按國史補張旭草書得筆法後傳崔邈顏真卿按集古錄魯公喜書大字惟千祿字書注最爲小字其體法與麻姑壇記不同

按墨池編魯公嗜書石大幾咫尺小亦方寸碑刻遺跡存者最多觀中興頌則閎偉發揚狀其功德之盛觀家廟碑則莊重篤實見其承家之謹觀仙壇記則秀穎超舉象其志氣之妙觀元次山銘則淳涵深厚見其業履之純點如墜石畫如夏雲鉤如屈金戈如發弩縱橫有象低昂有態自義獻以來未有如公也按法書苑顏魯公與懷素同學草書於鄔兵曹或問曰張長史見公孫大娘舞劍器始得低昂回翔之狀兵曹有之乎懷素以古釵腳對魯公曰何如屋漏痕懷素抱魯公唱賊復問師何所得曰觀夏雲奇峰及壁拆路常師之按廣川書跋顏太師以書自娛晚年嘗載石以行壻而藏之遇事以書隨所在留其所鐫石按宣和書譜顏真卿忠貫白日識高天下故精神見於翰墨之表者特立而兼括自篆籀分隸而下同爲一律號書之大雅豈不宜哉蓋自有早年書千佛寺碑已與歐虞徐沈莫年之筆相上下及中興以後筆力迴與前異亦其所得者愈老也歐陽修復其斷碑而跋之云如忠臣烈士道德君子端嚴尊重使人畏而愛之雖其殘闕不忍棄也其爲名流所高如此嘗作筆法十二意備畫師資之學然其正書真足以垂世今御府所藏二十有八正書旌節敕顏允南父惟正贈告顏允南母商氏贈告潘丞竹山書堂詩朱巨川告疎拙帖行書爭坐前帖爭坐後帖送文殊碑文

帖頓首夫人帖與李光顏太保帖蔡明遠鄱陽帖劉
太沖帖劉中使帖開府帖盧侯帖瑤臺帖篆籀帖中
夏帖湖州帖送書帖乞米帖乞脯帖縑細帖馬病帖
送辛晃序祭伯父濠州刺史文唐臣祭姪季明文
按書學傳授真卿傳柳京兆公權零陵僧懷素鄔形
章玩張從申以至楊少師疑式

顏允南

按顏真卿家廟碑顏允南惟貞子真卿工詩人多誦
其佳句善草隸達奚珣薦爲左補闕歷殿中膳部司
封郎中司業金鄉男

顏旭卿

按顏真卿家廟碑顏旭卿元孫子善草書引山令

顏曜卿

按顏真卿家廟碑顏曜卿元孫子工詩善草隸十五
以文學直崇文館淄州司馬

顏頤

按唐書顏真卿傳真卿于顏貞元六年授五品正員
官

按金石錄唐幽州復舜廟頤貞元十二年韋稔撰頤
頤正書并篆

按秋澗集顏書畫端莊殊有父風

顏頤

按顏真卿家廟碑顏頤子真卿好爲詩富陽尉
按墨池編鄧州文宣王廟碑顏頤書

顏頤

按顏真卿家廟碑顏頤惟貞孫好爲文常州參軍
按金石錄唐晉祠新松記元和元年令狐楚撰顏頤

正書

顏頤

按顏真卿家廟碑顏頤惟貞孫頤工小楷官洗馬

顏防

按顏真卿家廟碑顏防有文詞博古

按金石略唐河中府鵲鵲樓記顏防書 又貞元四
年麟德殿宴羣臣詩顏防書

鄔彤

按陸羽懷素別傳鄔彤錢塘人金吾兵曹鄔亦劉氏
之出與懷素爲羣從中表兄弟謂懷素曰草書古勢
多矣惟太宗以獻之書如凌冬枯樹寒寂勁硬不置
枝葉張旭又嘗私謂彤曰孤蓬自振驚沙自飛余師
而爲書故得奇怪凡草聖盡於此懷素不復應對但
連叫數十聲曰得之矣

按墨池編鄔彤書流便可喜孫莘老取其書置墨妙
亭

按金石錄唐金剛經尊勝經乾元二年鄔彤行書

按書苑菁華懷素師鄔彤授其筆法

按書史會要鄔彤工書師張旭

徐浩

按唐書本傳徐浩字季海越州人擢明經有文辭張
說稱其才薦爲集賢校理肅宗立召授中書舍人四
方詔令多出浩手遺辭贈述而書法至精又參太上
皇詔冊寵絕一時德宗初進郡公贈太子少師始浩
父嶠之善書以法授浩益工嘗書四十二幅屏八體
皆備世狀其法曰怒猊抉石渴驥奔泉云 按藝文
志徐浩書譜一卷古蹟記一卷

按盧攜臨池妙訣徐吏部傳之皇甫閱

按墨池編浩善正書八分眞行唐之工書者多求其
三葉嗣名者惟徐氏云

按宣和書譜徐浩書鋒藏畫心力出字外得意處往
往近似王獻之開元以來未有比者寫花萼樓碑甚
工嘗作書法以示子姪盡述古人積學所致眞不易
之論且浩以書名其妙實在楷法也今御府所藏正
書三朱巨川告小字存想法寶林寺詩

徐璿

按法書要錄徐浩古蹟記云臣長男璿臣自教授幼
勤學書在於眞行頗知筆法

按金石錄唐滑州新井銘貞元五年賈耽撰徐璿正
書說文字源序貞元五年賈耽撰徐璿正書

徐峴

按墨池編徐峴善書工行草石曼卿得其石刻屢稱
於人

按金石略唐彭王傳徐浩碑次子峴書在偃師

按書史會要峴善正書

李造

按法書要錄李造隴西人武都公述書賦云武都先
覺翰墨泉數

李揆

按唐書本傳李揆字端卿榮陽人開元末擢進士第
乾元中兼禮部侍郎同中書門下平章事封姑臧伯
揆美風儀善奏對帝歎曰卿門地人物文學皆當世
第一故時稱三絕爲國子祭酒禮部尚書諡曰恭
按書史會要李揆善文章尤工書

李佖

按唐書宰相世系表李佖袁州刺史
按書史會要李佖工於翰墨有名當世

蕭昕

按唐書本傳蕭昕字中明再中博學宏辭科肅宗立
歷中書舍人禮部侍郎大曆中封陵晉侯以太子少
師致仕諡曰懿

按金石略唐汾陽王霍國夫人王氏碑蕭昕書

令狐彰

按唐書本傳令狐彰字伯陽京兆富平人志膽沈果
知書傳大義肅宗時拜滑毫魏博節度使封霍國公
檢校尚書右僕射

按金石略唐代宗送令狐彰赴河南詩序彰自書在
西京

楊播

按唐書楊炎傳炎父播舉進士退居求志元宗召拜
諫議大夫棄官歸養肅宗時即家拜散騎常侍號元
靖先生

按金石錄唐大聖真身塔銘大曆十三年張或撰楊
播行書

元載

按唐書本傳元載字公輔鳳翔岐山人嗜學工屬文
天寶初策入高第肅宗時累遷戶部侍郎同中書門
下平章事代宗立拜中書侍郎許昌縣子諡曰荒
按金石略唐鳳翔佛頂尊勝陀羅尼經元載書

張彪

按唐詩紀事張彪穎洛間靜者

按杜工部集寄張十二山人彪詩云靜者心多妙先
生藝絕倫草書何太苦詩典不無神曹植休前輩張
芝更後身數篇吟可老一字買堪貧

任華

按清河書畫舫任華工詩有書學

陸羽

按唐書本傳陸羽字鴻漸復州竟陵人或言有僧得
諸水濱畜之既長其師教以殉行書答曰終鮮兄弟
而絕後嗣得為孝乎師怒使牧牛羽潛以竹畫牛背
為字上元初更隱苕溪自稱桑苎翁詔拜太子文學
徒太祝不就職

按張洎集唐王維畫孟浩然像有陸文學題記詞翰
奇絕

按吳地記唐末定寺陸鴻漸書額

張志和

按歷代名畫記張志和字子同會稽人性高邁不拘
檢自稱煙波釣徒著元真子十卷書迹狂逸肅宗朝
官至左金吾衛錄事參軍

鄭嵎

按唐書宰相世系表鄭嵎榮陽人倉部郎中

按金石錄楚州修城記上元元年范昭撰鄭嵎正書

史俊

按唐詩紀事嚴武在巴州題楠木歌後史俊以監察
御史來臨是邦亦賦焉

按金石錄唐楠木歌嚴武撰史俊行書

彭朝義

按金石錄魏侍中王粲石井闌記太子舍人甄濟撰

判官彭朝義書其文得之為可喜而朝義書尤善

衛秀

按集古錄唐衛秀上元元年書梁思楚碑秀筆工之
善模者也其自謂集書信矣

李華

按唐書本傳李華字遐叔趙州贊皇人累中進士宏
辭科上元中擢檢校吏部員外郎去官客隱山陽天
下士大夫家傳墓版及州縣碑頌時齎金帛往請
按書苑菁華李華有截拽二字訣

李莒

按唐書宰相世系表李莒華從弟越州錄事參軍
按集古錄怡亭在武昌江水中小島上武昌人謂其
地為吳王散花灘裴陽造李陽冰名而篆之末泰元
年裴虬銘李莒八分書刻於島石

李潤

按唐書宰相世系表李潤華從弟淄川尉
按墨池編唐諡文宣王追封充公等詔李潤書

李儉

按衍極李李儉綽有古意

姚南仲

按唐書本傳姚南仲華州下邳人乾元初擢制科代
宗時歷拜義成節度使授尚書右僕射諡曰貞
按金石錄唐魯仲瑜墓誌乾元二年賴裴撰姚南仲
行書

張參

按劉賓客集張參大曆中為國子司業始詳定五經
書於論堂東西廂之壁

按張參五經文字序曰收集疑文互體受法師儒以爲定例凡一百六十部三千二百三十五字分爲三卷說文體包古今先得六書之要有不備者求之字林其或古體難明衆情驚惜者則以石經之餘比例爲助石經湮沒所存者寡通以經典及釋文相承隸省引而伸之不敢專也

按國史補張參年老嘗手寫九經以爲讀書不如寫書

李舟

按柳河東集李舟隴西人有文學俊辯高志氣以尚書郎出爲刺史

按金石錄題朝陽嚴詩大曆十三年李舟撰并正書

段季展

按墨池編段季展劉晏所與多天下名士季展蓋其徒也禹廟碑爲時人所珍其運筆流美亦足貴尚云

按韓文考異唐李元賓墓銘韓愈撰段季展書

李庚

按唐書宗室世系表李庚字子虔襄邑恭王神符之後湖南觀察使兼御史中丞

按金石略唐永州浯溪銘浯臺銘並李庚篆書

崔溉

按唐書宰相世系表崔溉清河人太常少卿

按金石錄唐少林寺廚庫記貞元十四年顧少連撰

崔溉正書

崔倬

按唐書宰相世系表崔倬太常少卿

按金石錄唐八關齋會記大曆十年顏真卿撰并書

崔倬補書

劉孺之

按唐書宰相世系表劉孺之廣平人京兆少尹

按金石錄唐鳳翔節度使孫志直紀德碑劉孺之書

趙偁

按帝京景物略石鐙菴石幢傍鐫唐殷若心經一部

廣德二年少府裴監施朝請郎趙偁書

瞿令問

按格古要論唐陽華嚴銘元結次山作邑令瞿令問

以雜體篆之刻之崖上

按書史會要令問大曆中八分書舜冢碑

按古今碑帖考唐寒亭記窪樽銘並瞿令問書

張芬

按符載劍南四川幕府諸公寫真贊張芬字茂宗兵部郎中

按金石錄唐左驍衛將軍郭英傑碑大曆二年徐浩

撰張芬正書

冷朝陽

按李嘉祐集冷朝陽江寧人李嘉祐有送冷朝陽及

第歸江寧詩

按金石文字記唐吳嶽祠堂記興元元年于公異撰

冷朝陽行書

喬龜年

按書小史喬龜年善小篆養母至孝大曆中爲人作

大字獲錢以供甘旨

張琰

按歷代名畫記張琰字文通吳郡人相國王綰奏檢

校祠部員外郎鹽鐵判官坐事貶衡州司馬移忠州司馬

按金石錄唐渭北節度使臧希讓碑復鄆縣記並張琰八分書

韓秀弼

按墨池編唐元待聘碑李齊物碑鄭叔清碑裴曠改

葬碑鎮國公李元亮功德頌李晟先廟碑並韓秀弼

八分

按弇州山人藁唐臧希晏碑廣德二年朝議郎守衛

尉少卿淮陽縣開國男韓秀弼八分書書法清勁可

喜

韓秀實

按金石略唐少保李少進碑平蠻頌並韓秀實八分

書

按墨池編唐鮮于氏里門頌韓秀實八分書

按書史會要韓秀實爲翰林善楷隸八分

韓秀榮

按金石略韓秀榮唐故尚書左丞暢悅碑韓秀榮八

分書

按古今碑帖考唐辛京杲碑韓秀榮八分書

韋諷

按廣川書跋唐軒轅鑄鼎原銘華州刺史袁滋舊書

貞元十七年韋諷復書識其後

蕭森

按金石文字記唐美原田真人碑大曆六年朝散大

夫并州別駕上柱國蘭陵蕭森下開政撰并模晉王

右軍書

戴千齡

按金石錄唐張同敬碑大曆十一年陳休撰戴千齡書

按元牘記唐博陽郡北岳恆山銘并序翰林李奎文吳郡戴千齡書方勁有力不類唐人

李泌

按唐書本傳李泌字長源京兆人七歲知爲文元宗馳召之賜束帛及長博學常遊嵩嶽終南間肅宗卽位拜元帥廣平王行軍司馬後隱衡山貞元三年拜中書侍郎同中書門下平章事封鄴縣侯按書史會要李泌書體放逸

欽定古今圖書集成理學彙編字學典
第一百三卷目錄
書家部法書名家列傳九



唐四	韓滉	袁滋	歸登	鄭綱	齊抗	張延賞	伊慎	胡証	鄭雲逵	吳通元	殷亮	陸長源	韋渠牟	顧况	戎昱	韓方明	張敬元	李融	張文禧	韋縱	張誼	王伾	裴度
陸贄	賈耽	鄭餘慶	于頔	裴佖	班宏	崔稹	韋阜	于卻	吳通微	齊皎	戴叔倫	沈千運	蕭鄆	徐凝	林藻	石洪	唐次	李彝	李貽孫	李異	陳諫	韓愈	

白居易	皇甫閔	柳宗直	劉埴	楊歸厚	張萊	崔弘裕	盧穎	沈傳師	武儒衡	皇甫鏞	張文規	李渤	唐仲能	孟簡	寶羣	于敖	劉寬夫	權璩	羅讓	黎燧	羊士諤	李則	張籍	賈島	歐陽詹	房次卿
元稹	柳宗元	房直溫	劉禹錫	楊緯	權審	盧潛	崔紆	沈堯章	武翊黃	張弘靖	李吉甫	李飛	崔從	裴潏	賈羣	劉伯芻	蕭祐	王凝	黎燭	韓梓材	崔恭	李翺	王建	李賀	唐衢	吳丹

李約	李戎	崔綽	王傳父	李靈省	馬署	盧佐元	元錫	劉遵古	徐放	馮曉
王參元	賀拔恭	寇章	胡季良	殷台	董佖	宇文鼎	李泳	鄭還古	李鈺	

字學典第一百三卷
書家部法書名家列傳九

唐四
韓滉

按唐書韓休傳休子滉字太冲以蔭補左威衛騎曹
參軍貞元元年加檢校左僕射同中書門下平章事
贈太傅諡曰忠肅滉書得張旭筆法嘗自言不能定
筆不可論書畫以非急務故自晦不傳於人
按崔備壁書飛白蕭字記壁書蕭字者梁侍中蕭子

雲之所飛白也韓晉公領浙西之歲得於建鄴佛寺置之南徐官舍晉公翰墨代無等儔自獲壁書施榻於下耽翫研味略無已時

按書史會要泥工隸書章草

陸贄

按唐書本傳陸贄字敬輿蘇州嘉興人十八第進士中博學宏辭德宗立爲翰林學士貞元八年以中書侍郎同中書門下平章事諡曰宣

按集古錄唐賀蘭夫人墓誌貞元七年陸贄撰或云贄書也

按珊瑚網陸宣公書陸士衡文賦小字章草

袁滋

按舊唐書本傳袁滋字德深陳郡汝南人弱歲強學以外兄道州刺史元結有重名往來依焉以處士薦授試校書郎貞元中拜中書侍郎平章事連爲荆襄二帥貶湖南觀察使贈太子少保滋工篆籀書雅有古法

按金石錄唐尚書省新修記元和八年許孟容撰鄭餘慶正書袁滋篆

按廣川書跋唐軒轅鑄鼎原銘就州刺史王顏撰華州刺史袁滋籀書

賈耽

按唐書本傳賈耽字敦詩滄州南皮人天寶中舉明經貞元九年以尚書右僕射同中書門下平章事封魏國公順宗立進檢校司空左僕射諡曰元靖

歸登

按舊唐書歸崇敬傳崇敬子登字冲之大曆七年舉孝廉高第貞元初復登賢良科歷遷工部尚書贈太子少保登有文學工草隸

按集古錄唐百巖大師懷暉碑歸登篆額

按金石錄唐宰相張延賞碑貞元三年趙贊撰歸登八分書

按墨池編歸登書徑山禪師碑乃登騎省時書也字皆眞行縱橫變動筆意尤精

鄭餘慶

按唐書本傳鄭餘慶字居業鄭州滎陽人少善屬文擢進士第貞元十四年拜中書侍郎同中書門下平章事封滎陽郡公諡曰貞

按金石錄唐贈吏部尚書武就碑元和五年權德輿撰鄭餘慶正書

按墨池編餘慶書遺熟可喜

鄭綱

按唐書本傳鄭綱字文明餘慶從父行也幼有奇志善屬文所交皆天下有名士擢進士宏辭高第憲宗卽位拜中書侍郎同中書門下平章事文宗太和中以太子太傅致仕諡曰宣

按金石略唐太常卿贈吏部尚書崔忠公碑在西京百巖禪師銘在京兆府竝鄭綱書

于頔

按唐書本傳于頔字允元後周太師謹七世孫蔭補千牛貞元中封燕國公憲宗立拜司空同中書門下平章事改署賓客諡曰厲

按金石略唐秀州嘉興縣寶華寺碑于頔書

齊抗

按唐書本傳齊抗字遐舉定州義興人抗有文雅從張鎰鎮江西及以宰相領鳳翔秦署監察御史德宗時歷中書侍郎同中書門下平章事諡曰成

裴佖

按唐書裴耀卿傳耀卿子佖字弘正幼能文第進士補校書郎歷遷吏部侍郎以疾爲國子祭酒工部尚書諡曰貞

按書史會要裴佖工於翰墨有名當世

張延賞

按唐書張嘉貞傳嘉貞子延賞一名寶符元宗召拜左司禦率府兵曹參軍賜名曰延賞博涉經史通吏治肅宗在鳳翔擢監察御史累拜荆南劍南西川節度使德宗在奉天拜中書侍郎同門下平章事贈太保諡曰成肅

按法書要錄叙云曾祖魏國公少稟師訓妙合鍾張尺牘尤爲合作

班宏

按唐書本傳班宏衛州汲人天寶中擢進士第大曆中四遷給事中德宗以宏熟天下計進尚書封蕭國公

按金石錄唐澤潞李抱眞德政碑貞元九年董晉撰班宏書碑陰行書

伊慎

按唐書本傳伊慎字寡悔兗州人通春秋戰國策天官五行書用善射爲折衝都尉嗣曹王皇拔爲大將

封南兗郡王貞元末爲奉義節度拜檢校右僕射兼右衛上將軍諡曰壯繆

按權德輿伊公神道碑公以武毅通文理視席楷隸

師心自得

崔稹

按崔羣家廟碑崔稹字實方貝州武城人善史書五言詩爲文而敏歷殿中侍御史檢校金部郎中贈太尉

尉

胡証

按唐書本傳胡証字啓中河中河東人舉進士第渾瑊美其才奏真幕下更從襄陽于頔署掌書記寶曆初拜嶺南節度使

按金石錄魏侍中王粲石井闢記貞元十七年山南東道節度使于頔撰掌書記胡証書 又田弘正家廟碑元和八年韓愈撰胡証八分書并篆額

韋臯

按唐書本傳韋臯字城武京兆萬年人始仕爲建陵挽郎貞元初爲劍南西川節度使諡曰忠武

按金石錄唐金銅普賢菩薩像記貞元十七年韋臯撰并行書

按雲笈七籤韋臯以文翰之美冠於一時南詔得其手筆刻石以榮其國

鄭雲逵

按唐書本傳鄭雲逵榮陽人登進士第德宗時擢諫議大夫元和初爲京兆尹

按金石錄唐澄城令鄭君德政碑貞元十四年陳景撰鄭雲逵行書

于邵

按唐書本傳于邵字相門京兆萬年人天寶末進士第以書判超絕補崇文校書郎遷諫議大夫知制誥進禮部侍郎朝有大典冊必出其手終江州別駕

吳通元

按唐書本傳吳通元海州人博學善文章舉神童補祕書正字德宗立召爲翰林學士知制誥凡帝有撰述非通元筆未嘗慊陸贄欲斥遠之建言承平時工藝書畫之尤皆待詔翰林而無學士至德以來命集賢學士入禁中草書詔因以名官今四方無事制書職分宜歸中書舍人請罷學士帝不許貞元七年拜諫議大夫貶泉州司馬

按宣和書譜通元以博學文章稱於時善畫及書於行草尤長當時名臣碑刻往往得其書則誇以爲榮至於文葉斷幅殘紙人爭傳之今御府所藏行書三魚朝恩神道碑篆上下度人經不完

吳通微

按舊唐書吳通元傳通元兄通微建中四年召充翰林學士知制誥與弟通元同職禁署人士榮之尋轉中書舍人

按賈氏談錄貞元中翰林學士吳通微嘗工行草然體近隸故院中胥徒尤倣其書大行於世

殷亮

按唐書本傳殷亮陳郡人給事中杭州刺史按金石略唐於潛令丁明府德政碑殷亮書

齊皎

按歷代名畫記齊皎高陽人善小楷古篆建中四年官至澤州刺史

陸長源

按唐書本傳陸長源吳人字泳瞻於學始辟薛嵩幕府歷建信二州刺史韓滉辟署兼御史中丞徙宣武司馬贈尚書左僕射

按歐陽文忠公集貞元中陸長源爲汝州刺史以殷仲容書流杯亭侍宴詩絕代之寶乃爲之造亭立碑自記其事於碑陰

按書史會要長源善書

戴叔倫

按唐書本傳戴叔倫字幼公潤州金壇人嗣曹王阜領湖南江西表佐幕府封譙縣男遷容管經略使

按廣川書跋戴容州臨川六詠筆畫疎瘦婉麗勁疾不在唐諸子下然世不以能書名也蓋叔倫自以詞學著聞世少見其書宜其不爲人知

韋渠牟

按唐書本傳韋渠牟京兆萬年人少警悟工爲詩李白異之浙西韓滉表試校書郎貞元十二年遷祕書郎擢太常卿諡曰忠

按金石錄唐韋渠牟步虛詞貞元十六年正書

按書史會要渠牟工書

沈千運

按篋中集序沈千運吳興人所爲文皆與時異故朋友後生稍見師效按書史會要千運善八分

顧况

按舊唐書本傳顧况蘇州人能爲歌詩性詠諧人多狎之柳渾輔政以祕書郎徵李祕繼人相自謂當得達官久之方遷著作郎况心不樂求歸於吳及泌卒有調笑言爲憲司所劾貶饒州司戶

按清河書畫舫吳邑顧况人品清逸能書畫工眞行書唐僧清晝送顧處士詩云醉書在篋稱絕倫神晝開廚怕飛出

蕭鄆

按書史會要蕭鄆工草書

戎昱

按唐書藝文志戎昱衡伯玉鎮荆南辟爲從事後爲辰州虔州二刺史

按宣和書譜戎昱作字有楷法其用筆類段季展然筋骨太剛而殊乏婉媚故雅德者避之嘗書其自作早梅詩云應緣近水花先發疑是經春雪未消豈有得於此者宜其字特奇崛蓋是挾勝氣以作之耳今御府所藏正書一早梅詩

徐凝

按宣和書譜徐凝進士也亡其系字畫有行法固當因時而見况其筆意自具儒家風範非規規於學字者存而論之亦一種人物也今御府所藏行書二黃鶴樓詩荆巫夢思等詩

韓方明

按書苑菁華韓方明著授筆要說云昔歲學書專求筆法貞元十五年授法於東海徐公璠十七年授法於清河崔公邈

按臨池妙訣崔邈傳褚長文韓方明

按墨池編唐新開隱山記韓方明八分書

林藻

按宣和書譜林藻不知何許人也傳記莫得而詳其行實作行書其婉約豐妍處得智永筆法爲多有唐三百年書者特盛雖至經生輩其落筆亦自可觀蓋唐人書學自太宗建弘文館爲教養之地一時習尚爲盛至後之學者隨其所得而各有成就如藻之於智永是也初未刻意學書於王羲之而頗得其妙而所乏者風神議者謂其章草入妙隸書入能於是一字之出可直五萬其爲當時所慕如此今御府所藏行書一深慰帖

按容臺集唐林緯乾書學平原蕭疎古淡

按文獻通考林緯字

緯乾貞元七年進士

張敬元

按唐書藝文志張敬元貞元中處士著書則一卷按金石略唐宣州東城門頌貞元十一年張敬元書

石洪

按唐書本傳石洪字濬川有至行舉明經隱居不出公卿數薦皆不答烏重引鎮河陽具書幣邀辟後詔書召爲昭應尉集賢校理

按金石略唐江陵鍾山總悟上人林下集序貞元二十年石洪文并書

李融

按通鑑李融貞元中爲義成節度使

按書史會要融嘗書太尉朱懷珪墓碑在大都昌平縣

唐次

按唐書唐儉傳儉裔孫次字文編建中初及進士第歷侍御史禮部員外郎出爲開州刺史改夔州刺史憲宗召還授禮部郎中知制誥終中書舍人

按權德輿集唐使君盛山唱和集序云北海唐君文編以英華籍甚輝動朝右書法章奏爲明廷羽儀

張文禧

按唐書宰相世系表張文禧清河東武人常熟主簿按金石略唐太原少尹盧府君碑貞元九年張文禧書

李彝

按文苑英華任華送李彝宰新都序云宗室後進有以學術辭藻著稱者彝也少好學通九流百家之言善屬文有大節名試西掖與莊若訥高郢同入高等執政以彝大人在蜀故授新都以榮之

按金石錄唐贈僕射康日知墓誌貞元五年李紆撰李彝正書李林昭功德頌貞元五年李彝篆

韋縱

按唐書宰相世系表韋縱衛人左金吾衛兵曹參軍按金石錄唐鹽池靈應公神祠碑貞元十三年崔敖撰韋縱正書

李貽孫

按廣川書跋唐鄆都宮陰真人祠刻詩三章貞元中刺史李貽孫書

張誼

按金薤琳瑯唐姜源公劉新廟碑試大理寺評事張誼行書在今邠州城南

李巽

按唐書本傳李異字令叔趙州贊皇人以明經舉拔萃順宗立累擢兵部侍郎鹽鐵轉運副使遷吏部尚書

按書史會要異長於吏事書法亦妙

王伾

按唐書本傳王伾杭州人始以書待詔翰林入太子官侍書順宗立遷左散騎常侍後貶開州司馬

按順宗實錄上學書於王伾頗有寵

按墨池編唐董審碑王伾書在萬安

陳諫

按唐書王伾傳陳諫河中少尹貶台州司馬終循州刺史

按集古錄唐南海神廟碑元和十五年韓愈撰陳諫書

裴度

按唐書本傳裴度字中立河東聞喜人貞元初擢進士第舉賢良方正元和中拜中書侍郎同中書門下平章事進上柱國晉國公還東都拜中書令諡文忠按書史老子西昇經裴度跋爲褚公書

韓愈

按舊唐書本傳韓愈字退之昌黎人登進士第元和初爲國子博士十四年貶潮州刺史十五年徵爲國子祭酒轉吏部侍郎諡曰文

按唐書歐陽詹傳愈爲歐陽詹哀辭自書以遺崔羣

按韓昌黎集送孟郊序一首生紙寫不加裝飾皆有指字注字處急於自解而謝不能跋更寫

按林蘊撥燈法序盧肇授教於韓吏部

按集古錄韓退之題名二皆在洛陽其一在高山天封宮石柱上刻之其一在福先寺塔下當時所見墨蹟不知其後何人模刻於石也

白居易

按舊唐書本傳白居易字樂天太原人幼聰慧絕人襟懷宏放貞元十四年擢進士甲科居易文辭富艷尤精於詩會昌末以太子少傅刑部尚書致仕

按東坡集序年十二先君自虔州歸爲予言近城山中天竺寺有樂天親書詩筆勢奇逸墨蹟如新今四十七年矣余來訪之則詩已亡有刻石存耳

按東觀餘論樂天書不名世然投筆皆契繩矩時有佳趣

按宣和書譜白居易書豐年洛下兩帖與夫雜詩筆勢翩翩不失書家法度作行書妙處與時名流相後先蓋習中淵著流出筆下便過人數等觀之者亦想見其風槩云今御府所藏行書五豐年帖洛下帖生涯帖劉郎中帖送敏中歸邠寧幕等詩

按容齋隨筆元稹春游一篇白樂天書之題云元相公春游錢思公藏其真蹟穆父守越時摹刻於蓬萊閣下

元稹

按舊唐書本傳元稹字微之河南人八歲喪父母鄭夫人自授書教之書學九歲能屬文兩經擢第調判入四等應制舉爲第一稹年少有才名與太原白居易友善工爲詩當時號元和體長慶二年拜平章事四年檢校戶部尚書兼武昌軍節度使

按集古錄唐桐柏宮碑太和四年元稹撰文并書

按宣和書譜元稹楷字蓋自有風流醞藉挾才子之氣而動人眉睫要之詩中有筆筆中有詩而心畫使之然耳今御府所藏正書一寄蜀人詩

皇甫閱

按臨池妙訣徐吏部傳之皇甫閱閱以柳宗元員外爲入室劉尚書禹錫爲及門

柳宗元

按唐書本傳柳宗元字子厚河東人少精敏絕倫爲文章倬偉精緻一時輩行推仰第進士博學宏辭科授校書郎貞元十九年爲監察御史權禮部員外郎貶永州司馬元和十年徙柳州刺史

按臨池妙訣柳宗元傳房少卿直溫

按因話錄柳子厚善書當時重其書湖湘以南士人皆學之

按金石錄子厚頗自矜其書今見於世者惟般舟和尚碑與彌陀和尚碑耳

按書史會要宗元嘗作筆精賦盡書法之妙

柳宗直

按柳宗元從父弟宗直殯志柳宗直字正夫善操觚願得師法甚備融液屈折奇峭博麗知之者以爲工作文辭淡泊尚古譔漢書文章爲四十卷

按書史會要宗直善書

房直溫

按書史會要房直溫官至少卿善書

劉埴

按唐書宰相世系表劉埴字秉中曹州南華人兵部吏部郎中

按書法流傳圖柳宗元授劉墀

劉禹錫

按唐書本傳劉禹錫字夢得系出中山擢進士第登博學宏辭科工文章裴度薦為集賢學士遷太子賓客禹錫善詩白居易嘗推為詩豪

按臨池妙訣皇甫閏以劉尚書禹錫為及門

按金石錄唐令狐公先廟碑太和五年劉禹錫撰并正書宰相崔羣碑開成三年裴度撰劉禹錫正書

楊歸厚

按唐書宰相世系表楊歸厚扶風人右拾遺

按書法流傳圖皇甫閏授楊歸厚

楊緯 張蒙 權審 崔弘裕 盧潛 盧穎

崔紆

按書法流傳圖楊歸厚授楊緯緯授張蒙權審崔弘裕弘裕授盧潛盧穎崔紆

沈傳師

按唐書沈既濟傳既濟子傳師字子言治春秋工書有楷法貞元末舉進士復登制科授太子校書郎召入翰林為學士俄出為湖南觀察使寶曆二年入拜尚書右丞吏部侍郎

按墨池編傳師正行書皆至妙品

按廣川書跋唐黃陵廟碑世以其書為重近人以完本售至數萬謂傳師此書特謹重有法

按方輿勝覽岳麓山寺有四絕堂謂沈傳師裴休筆札宋之問杜甫篇章

沈堯章

按金石錄沈堯章傳師姪唐沈傳師墓誌太和九年

權璩撰沈堯章正書

武儒衡

按唐書武元衡傳元衡弟儒衡字廷碩論議勁正有風節以兵部侍郎卒贈工部尚書

武翊黃

按唐書宰相世系表武翊黃字坤輿大理卿按金石錄唐張誠碑長慶二年白居易撰武翊黃正書

皇甫鉤

按唐書本傳皇甫鉤涇州臨涇人貞元初第進士擢制科為監察御史遷司農卿同中書門下平章事

按集古錄唐昭懿公主碑元和中孟簡撰皇甫鉤書

張弘靖

按唐書張嘉貞傳嘉貞子延賞延賞子弘靖字元理雅厚信直以蔭為河南參軍德宗擢監察御史元和中拜刑部尚書同中書門下平章事封高平縣侯出為河東盧龍節度使遷太子少師

張文規

按法書要錄序大父高平公幼學元常自鎮蒲陝迹類子敬及處台司乃同逸少書體三變為時所稱

按金石錄唐魏博田緒遺愛碑元和六年裴均撰張弘靖正書

按唐書張嘉貞傳嘉貞子延賞延賞子弘靖弘靖子文規裴度秉政引為右補闕累轉吏部員外郎出為安州刺史終桂管觀察使

按法書要錄序先君尚書

文規

按法書要錄序先君尚書

按法書要錄序先君尚書

李吉甫

按唐書李栖筠傳栖筠子吉甫字弘憲貞元初為太常博士元和二年擢中書侍郎同中書門下平章事封贊皇縣侯徙趙國公淮南節度使諡曰忠懿按東觀餘論唐韋鷟十馬後有元和李丞相吉甫題字真佳蹟也

李渤

按金石錄唐李吉甫神女祠詩貞元十四年正書

李渤

按唐書本傳李渤字潛之魏申國公發之裔刻志於學與仲兄涉偕隱廬山更徙少室元和初以右拾遺召不拜以著作郎召渤遂起歲餘遷右補闕太和中召拜太子賓客贈禮部尚書

按集古錄唐李渤辨石鍾山記并善權寺詩

按唐書李渤字潛之魏申國公發之裔刻志於學與仲兄涉偕隱廬山更徙少室元和初以右拾遺召不拜以著作郎召渤遂起歲餘遷右補闕太和中召拜太子賓客贈禮部尚書

按唐書李渤字潛之魏申國公發之裔刻志於學與仲兄涉偕隱廬山更徙少室元和初以右拾遺召不拜以著作郎召渤遂起歲餘遷右補闕太和中召拜太子賓客贈禮部尚書

李飛

按墨池編唐羊士諤遊善權觀呈李公曹詩李飛書在常州

唐仲能

按墨池編唐陪封明府遊靈巖瀑布泉記唐仲能撰并書

崔從

按唐書崔融傳融會孫從字子又少孤貧與兄能偕隱太原山中擢進士第寶曆初為東都留守復授檢校尚書左僕射淮南節度副大使諡曰貞

按集古錄唐崔能神道碑長慶三年李宗閔撰能弟

從書

孟簡

按唐書本傳孟簡字幾道德州昌平人舉進士宏辭連中元和中拜諫議大夫出爲常州刺史以工部侍郎名還左授太子賓客分司東都簡尤工詩聞江淮間

按金石錄唐經禹廟詩梁庾肩吾撰元和十一年孟簡行書

裴潏

按唐書本傳裴潏河東聞喜人篤學善隸書以蔭仕元和初累遷左補闕穆宗立召拜兵部侍郎贈戶部尚書諡曰敬

按宣和書譜裴潏好直言極諫譽譽有王臣節雖不用于時而人嘉其忠喜梁昭明所集文選乃哀今昔辭章續而號之大和通選頗契士論史復載其隸書爲時推右晚歲行草尤勝當是其耿耿流於毫端者故筆不病而韻自高耳昔人以書傳於時未必以字得名蓋或以忠義稱或以文章稱况身兼數器而字畫又佳如潏者誠不可多得也今御府所藏行書一大司寇帖

實羣

按唐書本傳實羣字丹列京兆金城人父叔向有詩名羣兄弟皆擢進士第獨羣以處士客隱毘陵德宗擢爲左拾遺累遷御史中丞出爲湖南觀察使

按金石錄唐四皓舊隱圖書文貞元十六年羣渠罕撰實羣正書

賈肇

按唐書實羣傳羣弟肇字友封雅裕有名於時平居與人言若不出口號嘯嘯翁元稹節度武昌奏肇自副卒

按金石錄唐心經元和二年實羣正書

于敖

按唐書本傳于敖字蹈中京兆高陵人擢進士第爲祕書省校書郎累遷戶部侍郎出爲宣歙觀察使按墨池編唐韋綬碑于敖書

劉伯芻

按唐書本傳劉伯芻字素芝行修謹累遷刑部侍郎左散騎常侍

按金石錄唐贈司空于魯碑元和十二年張躬撰劉伯芻八分書

劉寬夫

按唐書劉伯芻傳伯芻子寬夫實曆中官終濠州刺史

按金石錄唐相國崔墓先廟碑牛僧孺文劉寬夫書在京兆府

蕭祐

按唐書韋溫傳溫少合所善惟蕭祐祐者字祐之夷澹君子也以處士拜左拾遺累遷諫議大夫終桂州觀察使贈右散騎常侍精畫及書自鍾王蕭張以來皆能識其真誓然不以塵事自蒙故溫號山林友云

按金石錄唐贈左僕射郭公碑長慶三年李宗閔撰蕭祐正書

權璩

按唐書權德輿傳德輿子璩字大圭元和初擢進士

第歷中書舍人貶鄭州刺史
按墨池編唐崔弘禮碑權璩書

王凝

按唐書王翊傳翊會孫凝字成庶舉明經進士擢累禮部侍郎僖宗立遷宣歙池觀察使

按金石錄唐會善寺記元和九年王凝撰并行書無量寺多寶塔記元和十二年裴度撰王凝正書

羅讓

按唐書羅珣傳珣子讓字景宣以文學蚤有譽舉進士賢良方正皆高第除監察御史位給事中累遷江西觀察使

按金石錄唐襄州新學記貞元五年盧羣撰羅讓行書

黎燭

按唐書羅簡辭傳黎燭京兆尹幹子

按集古錄唐道州刺史陽公舊隱碣元和中胡証撰黎燭書

黎燧

按金石錄唐丘公夫人虞氏石表碑梁肅撰黎燧正書

韓梓材

按墨池編韓梓材字利用元稹觀察浙東幕府皆知名士梓材其一也筆蹟希顏魯公沈傳師而加道麗

羊士諤

按晁公武郡齋讀書志羊士諤貞元元年進士第順宗時爲宣歙巡官元和初擢監察御史知制誥出爲資州刺史

按墨池編羊士諤與韓梓材同在越州亦以文翰稱

崔恭
按唐詩紀事崔恭博陵人節度副使檢校右散騎常侍有和張弘靖山亭懷古詩

按金石錄唐元浩和尚靈塔碑元和十四年崔恭撰并正書

李則

按李翱集李則涼武昭王十三世孫少好老子莊周之言善草隸書弓矢博奕皆得其妙既冠得濠州定遠尉歷左武衛兵曹參軍太子通事舍人大理司直授歙州長史宣歙觀察使

按墨池編唐偃師崔邸碑李則書

李翱

按唐書本傳李翱字習之中進士第元和初爲國子博士史館修撰後歷遷山南東道節度使諡曰文

按書史會要李翱書書韓愈所撰太學博士李于墓誌銘

張籍

按舊唐書本傳張籍能爲古體詩當代公卿裴度令狐楚才名如白居易元稹皆與之遊而韓愈尤重之累授國子司業水部郎中世謂之張水部云

按蘇魏公集張籍書世罕傳者予遊歷陽見僧寺有收得其墨蹟與詩刻其用筆皆有法

按宣和書譜張籍字文昌和州烏江人善書翰行草爲最今御府所藏行書一希深帖

王建

按晁公武郡齋讀書志王建字仲和大曆十年進士

歷官昭應縣丞太和中爲陝州司馬

按珊瑚網楊元誠家所藏有王建宮體小書宮詞一百二十首極其宛轉妖麗今人罕能及

賈島

按唐書韓愈傳賈島字浪仙范陽人初爲浮屠名無本來東都韓愈教其爲文舉進士文宗時坐飛謗貶長江主簿會昌初以普州司倉遷司戶參軍

按蘇絳賈公墓銘島善攻筆法得鍾張之奧

按書史會要賈島八分似韓擇木

李賀

按唐書本傳李賀字長吉係出鄭王後七歲能辭章爲人纖瘦通眉長指爪能疾書每旦日出騎弱馬從小奚奴背古錦囊遇所得書投囊中及暮歸足成之爲協律郎卒年二十七

按金壺記李賀手筆精捷

歐陽詹

按唐書本傳歐陽詹字行周泉州晉江人舉進士爲國子監四門助教

按集古錄唐馬寔墓誌銘貞元十四年歐陽詹撰并書字法不俗

唐衢

按舊唐書本傳唐衢應進士久而不第能爲歌詩

按金石錄唐京河新開水門記元和五年韋處厚撰唐衢八分書

房次卿

按韓愈與平少尹房君墓誌房次卿有大材不能俯仰順時年四十餘尚守京兆與平尉然其友皆曰房

氏有子也
按金石略唐召伯祠堂記房次卿書

吳丹

按白氏長慶集吳丹字眞存太子宮門郎銓之長子以進士第入官官歷正字終饒州刺史八九歲弄筆硯時所出言輒類詩家篇章

按金石錄唐華州新廳堂記元和八年吳丹撰并正書

李約

按唐書宗室世系表李約鄭王元懿元孫沂國公勉子兵部員外郎

按張弘靖蕭齋記隴西李君約以至行雅操知名當時而風致之餘特精楷隸

王參元

按柳宗元賀王參元失火書王參元讀古人書爲文章善小學

按書史會要參元工於翰墨有名當世

李戎

按臨池妙訣李戎與房直溫皆得名

按司空圖書屏記元和長慶間先大夫退居中條時李忻州戎以草隸著稱爲計吏在滿因綴所寶徐公浩眞蹟一屏以爲贖

賀拔恭

按臨池妙訣近代賀拔員外恭寇司馬章李中丞戎與房直溫皆得名者

按金石略唐白居易重修香山寺詩賀拔恭書按書史會要賀拔恭官至員外郎有書名

崔綽 寇章

按書史虞世南汝南公主銘有名幾元題其標云故祭酒崔十八文綽與寇章賀拔恭皆以鑒賞相尋每稱服膺虞書多歷年所自會昌以來時觀斯帖因致其真錄有加

王傳父

按沈下賢集山人王傳父學爲張旭書居故吳公子光劍池山傍積十年而功就至長安舍余家爲余題故平廬節士文

胡季良

按宣和書譜胡季良不見於史冊惟工行草追慕古人而得其筆意字體溫潤雖肥而有秀穎之氣運筆略無凝滯殆非一朝夕之工也觀季良讀元和文與夫大乘寺帖字皆行書既精且熟想見其禿干兔之毫窮萬穀之皮而能至是也今御府所藏十草書題然公山房詩逸草障文賦帖說龍帖蔡環帖行書讀元和文大乘寺詩孔山寺詩崑山寺詩陳智帖按金石錄唐國子司業辛璿碑元和四年胡季良篆

李靈省

按集古錄唐陽公舊隱碣李靈省篆額唐世篆法自李陽冰後寂然未有顯於當世而能自名家者靈省所書陽公碣筆畫甚可佳

殷台

按牛僧孺昭義軍節度使辛公神道碑殷台陳郡人書蹟絕妙

馬署

按唐書宰相世系表馬署咸陽人監察御史逢父

按墨池編唐裴乾正碑馬署撰并書

董佺

按唐書藝文志董佺字庶中元和和荆南從事按墨池編唐桃源觀三洞閣宋君碑董佺書

盧佐元

按唐書宰相世系表盧佐元范陽人仁杞子

按金石錄顏杲卿碑顏真卿撰元和中舊石刳缺其甥盧佐元重書而刻之

宇文鼎

按唐書宰相世系表宇文鼎字周重御史中丞邈子按墨池編唐蒙泉詩沈傳師撰宇文鼎書

元錫

按唐書宰相世系表元錫字君貺河南人淄王傳按韓文考異衢州徐偃王廟碑昌黎韓愈撰福州刺史元錫書元和十年十二月九日立

李泳

按唐書宰相世系表李泳字泳之漢中人百藥四世孫

按金石略唐張仙師靈廟碑元和十五年仙井監李泳書

劉遵古

按宣室志劉遵古沛國人刑部尚書太和四年節度東蜀軍

按金石錄唐興元節度使裴玢碑元和九年裴度撰劉遵古行書

鄭還古

按唐詩紀事鄭還古登元和進士

按金石錄唐常侍裴泰碑開成五年盧衛撰鄭還古正書

徐放

按墨池編唐天台佛隴禪林寺碑徐放書按衢州府志徐放字達夫元和九年爲衢州刺史

李銳

按唐書宰相世系表李銳趙郡人美原丞漢子按金石錄唐安邑縣新亭記元和九年劉師老撰李銳正書

馮曉

按金石略唐華州刺史裴乾正碑馮曉書在京兆府

欽定古今圖書集成理學彙編字學典

第一百四卷目錄

書家部法書名家列傳十

唐五

柳公綽

令狐楚

崔植

王璠

李虞

景審

劉權

牛僧儒

姚向

李德裕

楊敬之

許康佐

盧弘宣

段絳

陳玠

崔元略

崔瑄

唐元度

張志誠

李紳

歸融

盧簡求

李商隱

柳公權

寶易直

蕭俛

王播

盧傳禮

裴混

王元弼

杜宣猷

裴素

楊紹復

楊漢公

舒元興

周墀

艾居晦

段瓌

劉三復

楊泰

李從簡

范昀

白敏中

封敖

杜牧

溫庭筠

薛逢

張祐

崔應

奚獎

裴休

柳仲郢

魏謩

令狐渙

李景讓

李羣玉

顏稷

韓抗

畢誠

高駢

盧肇

林蘊

貝冷該

盧知猷

盧攜

王敬武

唐彥謙

鄭資

任嘯

盧匡

郭圓

李綜

司空興

崔龜從

令狐綯

令狐澄

許渾

鄭嵎

王藩

兪珣

王鐸

陸肱

盧安期

于僧翰

于範

蕭邁

劉崇龜

司空圖

張彥遠

丁飛舉

字學典第一百四卷

書家部法書名家列傳十

唐五

柳公綽

按唐書本傳柳公綽字寬京兆華原人小字起之舉賢良方正直言極諫累遷開州刺史太和四年為河東節度使授兵部尚書諡曰元

按金石錄唐紫陽先生碑寶曆二年李白撰碑陰記李繁撰並柳公綽書

按海岳名言公綽乃不俗於兄

柳公權

按舊唐書柳公綽傳公綽弟公權字誠懸元和初進士擢第釋褐祕書省校書郎穆宗即位召見謂公權曰我於佛寺見卿筆蹟思之久矣即日拜右拾遺充翰林侍書學士穆宗嘗問公權筆何盡善對曰用筆在心心正則筆正上改容知其筆諫也歷穆敬文三朝侍書中禁武宗即位累遷河東郡公咸通初改太子少師公權初學王書遍閱近代筆法體勢勁媚自成一家當時公卿大臣家碑版不得公權手筆者人以為不孝外裔入貢皆別署貨貝曰此購柳書上都西明寺金剛經碑備有鍾王歐虞褚陸之體尤為得意文宗夏日與學士聯句令公權題於殿壁字方圓五寸帝視之歎曰鍾王復生無以加也宣帝召升殿御前書三紙軍容使西門季元捧硯樞密使崔巨源過筆一紙真書十字曰衛夫人傳筆法於王右軍一紙行書十一字曰永禪師真草千字文得家法一紙草書八字曰謂語助者焉哉乎也賜錦綵餅盤等銀